

ԳԱՐԵԳԻՆ Բ ԱՄԵՆԱՅՆ ՆԱՅՈՅ ԿԱԹՈՂԻԿՈՍԸ

«Ս. ՍԱՆԿԿ - Ս. ՄԵՍՐՈՊ» ՇՔԱՆՇԱՆՈՎ

ՊԱՐԳԵՎԱՏՐԵՅ ԵՐԳՉՈՒՆԻ ԳՈՆԱՐ ԳԱՍՊԱՐՅԱՆԻՆ

ԵՎ ՆԿԱՐԻՉ ՆԱԿՈՒՐ ՆԱԿՈՒՐՅԱՆԻՆ

Դեկտեմբերի 22-ին Մայր Աթոռ Ս. Էջմիածնում, Վեհաբանի հանդիսությունների սրահում, Ամենայն Հայոց Կաթողիկոս Ն.Ս.Օ.Տ.Տ. Գարեգին Բ-ի բարձր նախագահությամբ Կրեմլի ունեցավ հանդիսություն՝ հայ արվեստի բազմավաստակ մշակներ Գոհար Գասպարյանին և Նակոբ Նակոբյանին Հայ Եկեղեցու «Ս. Սահակ - Ս. Մեսրոպ» շքանշանով պարգևատրելու առթիվ:

Հանդիսությունը բացեց Մայր Աթոռի միաբան Գերաշնորհ Տ. Ներսես արքեպս. Պողոս-պալյանը՝ մեծապես արժեվորելով նրանց հայրենանվեր գործունեությունը: Գնահատանքի խոսքեր ասացին նաև արվեստագետ Շահեն Խաչատրյանը և Տիգրան Լևոնյանը՝ անդրադառնալով երկու նվիրյալների ստեղծագործական ուղուն և հայ երգարվեստին ու գեղանկարչությանը բերած իրենց մեծ ավանդին:

«Էջ Միածինն ի Կորե» շարականի երգեցողության ներքո բերվեցին և Նորին Սրբության ձեռամբ փխին Գ. Գասպարյանին և Կիար Հ. Նակոբյանին հանձնվեցին Հայրապետական սրբաբառ կոնդակները: «Ուրախ ենք հաստատել, որ Ձեր երգացանկում հատուկ տեղ են գրավել հայ հոգևոր երաժշտության գանձերը, որոնք Դուք սովորել եք դեռևս Ձեր ծննդավայրում, հայ կյանքի ավանդույթներով հարուստ Եգիպտոսում՝ մանուկ հասակից երգելով եկեղեցու դպրաց դասում: Ձեր երգը հնչել է նաև Մայր Աթոռ Սուրբ Էջմիածնում՝ որպես աղոթք ու վառարանություն առ Բարձրյալն Աստված, Ով Իր առաքյալ օրհնությամբ պարգևել է Ձեզ երգչուհու փառանքն ու շնորհները», - նշված է հանրահռչակ հայ երգչուհուն ուղղված Հայրապետական կոնդակում (տե՛ս էջ 16):

«Գեղանկարչության բարձունքները նվաճած Ձեր կրթվածները անուն ու ճանաչում են բերում Ձեզ և հռչակ հավելում հարուստ ու հինավուրց մշակույթ ունեցող մեր ժողովրդին, որի արժանավոր և շնորհաշատ զավակն եք Դուք՝ Ձեր հոգում միշտ կրելով քրիստոնյա մեր ժողովրդի արժեքներն ու հայրենի ժառանգությունը: Տասնամյակներ շարունակ նշանավոր փարբեր քաղաքների հանրահայտ թանգարաններում ցուցադրվող Ձեր նկարները ծառայում են հոգևորի գորացմանը մարդկանց սրտերում և բարու արգասավորմանը աշխարհում», - ասվում է 80-ամյակի առթիվ բազմավաստակ նկարչին շնորհված Հայրապետական կոնդակում (տե՛ս «Էջմիածին», Զ, էջ 10):

Պարգևատրելով երկու նվիրյալներին «Ս. Սահակ - Ս. Մեսրոպ» շքանշանով՝ Նորին Սրբությունն իր գնահատանքն ու օրհնությունը բաշխեց ներկաներին:


«Հանդիսությունը որքան որ նպատակ է հետապնդում գնահատանքի արժանացնելու այն ծառայությունը, որ իրենք մատուցել են մեր ժողովրդին մշակույթի ասպարեզում, նույնքան նաև արտահայտելու մեր՝ հոգևորականներիս երախտագետ զգացումները, որ դժվարին փարիններին, երբ արգելված էր հոգևոր քարոզությունը մեր կյանքում, նրանք հասա-

րական կյանքից ներս սալրեցրին, գորացում, զարգացում պարգևեցին ու հնչեցրեցին հոգևոր մեր արժեքները»,- նշեց Ամենայն Հայոց Կաթողիկոսն իր խոսքում:

Իրենց երախարագիտության խոսքը Վեհափառ Հայրապետին ուղղեցին նաև շքանշանակիր վասպակաշատ Գոհար Գասպարյանը և Հակոբ Հակոբյանը:

Հանդիսությանը ներկա էին Մայր Աթոռ Ս. Էջմիածնի միաբաններ, Գերագույն Հոգևոր Խորհրդի անդամներ, ՀՀ Մշակույթի և երիտասարդության հարցերի նախարար Կիկ. Թամարա Պողոսյանը, ՀՀ Գիտությունների Ազգային Ակադեմիայի նախագահ Ֆադեյ Սարգսյանը և մշակույթի անվանի գործիչներ:

Հանդիսության գեղարվեստական մասում հոգեզմայլ կապարումներով հանդես եկան Կոմիտասի անվան պերական կոնսերվատորիայի սաները:





ՎԵՀԱՓԱՌԻ ՀԱՅՐԱՊԵՏԸ «Ս. ՍԱՀԱԿ – Ս. ՄԵՍՐՈՊ» ԵԶԱՆՇԱՆ
Է ՀԱՆՁՆՈՒՄ ՀԱՅ ԵՐԳԸ ՏԱՄՆԱՄՅԱԿՆԵՐ ԸԱՌՈՒՆԱԿ
ԱՇԽԱՐՀԻ ԲԵՍԵՐԻՑ ՀՆՉԵՑՐԱԾ ԳՈՀԱՐ ԳԱՄՊԱՌՅԱՆԻՆ

